



**KOMISIJA ZA NEPOSREDNU POGODBU**

Broj:15-05-302/11

Zenica, 10.06.2011. godine

Komisija za prodaju državnog kapitala Javnog preduzeće „Veterinarska stanica“ Tešanj d.o.o. metodom neposredne pogodbe, imenovana Rješenjem Direktora Agencije za privatizaciju Zeničko-dobojskog kantona, broj: 15-03-264/11 od 24.05.2011. godine, na osnovu člana 11. stav 2. tačka 1. Pravilnika o postupku prodaje metodom neposredne pogodbe ("Službene novine Federacije BiH", broj: 75/05) i Odobrenja direktora Agencije za privatizaciju Zeničko-dobojskog kantona, broj: 15-03-300/11 od 10.06.2011. godine, a u vezi sa članom 39. Zakona o upravnom postupku ("Službene novine Federacije BiH", broj: 2/98 i 48/99), u postupku vođenom po Javnom pozivu za prodaju državnog kapitala Javnog preduzeća "Veterinarska stanica" Tešanj d.o.o metodom neposredne pogodbe, objavljenom u listu "Dnevni avaz" od 23.05.2011. godine i na internetu ([www.apf.com.ba](http://www.apf.com.ba)), donijela je:

**RJEŠENJE**

o proglašenju pobjednika

1. Ponuđač „MADI“ doo Tešanj, sa sjedištem u Tešnju, Bukva bb, proglašava se pobjednikom u postupku vođenom po Javnom pozivu za prodaju državnog kapitala Javnog preduzeća "Veterinarska stanica" Tešanj d.o.o metodom neposredne pogodbe
2. Ponuda ponuđača „MADI“ doo Tešanj, sa sjedištem u Tešnju, Bukva bb, ostvarila je ukupno 958 bodova ili 95,8 % od ukupnog broja bodova.
3. Agencija za privatizaciju Zeničko-dobojskog kantona će, u skladu sa čl. 11. Pravilnika o postupku prodaje metodom neposredne pogodbe („Službene novine Federacije BiH“, br. 75/05), ovo rješenje dostaviti ponuđačima.
4. Pobjednik u postupku neposredne pogodbe iz člana 1. ovog rješenja, dužan je potpisati kupoprodajni ugovor u roku od 8 dana od izvršnosti ovog rješenja.

**Obrazloženje**

Po Javnom pozivu za prodaju državnog kapitala Javnog preduzeća "Veterinarska stanica" Tešanj d.o.o. metodom neposredne pogodbe, koji je objavljen u listu „Dnevni avaz“ od 23.05.2011. godine i na internetu ([www.apf.com.ba](http://www.apf.com.ba)), blagovremeno su stigle 2 (dvije) ponude i to:

- Ponuda pod rednim brojem 1. ponuđača: „MADI“ doo Tešanj, sa sjedištem u Tešnju, Bukva bb,
- Ponuda pod rednim brojem 2. ponuđača: Ibrahimpašić Izudin, kao ovlašteni punomoćnik u ime 10 radnika JP „Veterinarska stanica“ doo Tešanj i u svoje ime.

Napominje se da su uslovi i kriteriji za vrednovanje ponuda po navedenom Javnom pozivu za prodaju državnog kapitala JP „Veterinarska stanica“ Tešanj d.o.o., slijedili principe neuspješnog tendera provedenog po Javnom pozivu br. 46. za prodaju navedenog predmeta, objavljenog u listu „Dnevni avaz“ Sarajevo, dana 18.04.2011. godine, a što je u skladu sa odredbama čl. 2. Rješenja Upravnog odbora Agencije za privatizaciju Zeničko-dobojskog kantona o odobravanju Početnog bilansa stanja, Prospekta tendera, metoda i kriterija prodaje JP „Veterinarska stanica“ Tešanj d.o.o., broj: 15-01-11/11 od 17.03.2011. godine, koji glase;

Uslovi prodaje: Zadržavanje veterinarske djelatnosti na sadašnjoj lokaciji Preduzeća i svih zaposlenika zatečenih u radnom odnosu u Preduzeću kojih je ukupno 11, najmanje 10 godina od dana potpisivanja Ugovora o kupoprodaji, i

Kriteriji za vrednovanje ponuda:

1. Zadržavanje postojećeg broja zaposlenih i prijem dva nova radnika.....350 bodova ili 35%
2. Cijena.....350 bodova ili 25%
3. Investicije (ulaganje u razvoj veterinarske djelatnosti u visini od 100.000,00 KM)..... ..150 bodova ili 15%
4. Poslovni plan razvoja veterinarske djelatnosti Preduzeća..... 150 bodova ili 15%

Ponudač pod rednim brojem 1. „MADI“ doo Tešanj Ulica Bukva bb., u svojoj posljednjoj ponudi, ponudio je sljedeće:

1. Zadržavanje veterinarske djelatnosti na sadašnjoj lokaciji Preduzeća najmanje 10 godina,
2. Zadržavanje postojećeg broja zaposlenih u Preduzeća najmanje 10 godina od dana potpisivanja ugovora o kupoprodaji i prijem 2 (dva) nova radnika u prvoj godini od 3 (tri) godine po dinamici iz poslovnog plana,
3. Cijenu u iznosu od 220.000,00 KM,
4. Investicije (ulaganje u razvoj veterinarske djelatnosti) u iznosu od 245.000,00 KM po strukturi i dinamici datoj u poslovnom planu u periodu od 3 (tri) godine,
5. Poslovni plan razvoja veterinarske djelatnosti.

Ponudač pod rednim brojem 2. Ibrahimpašić Izudin, kao ovlašteni punomoćnik u ime 10 radnika JP „Veterinarska stanica“ doo Tešanj i svoje ime, u svojoj posljednjoj ponudi, ponudio je sljedeće:

1. Zadržavanje veterinarske djelatnosti na sadašnjoj lokaciji Preduzeća najmanje 10 godina,
2. Zadržavanje postojećeg broja zaposlenih u Preduzeća najmanje 10 godina od dana potpisivanja ugovora o kupoprodaji i prijem 2 (dva) nova radnika u periodu od 3 (tri) godine po dinamici iz poslovnog plana,
3. Cijenu u iznosu od 250.000,00 KM,
4. Investicije (ulaganje u razvoj veterinarske djelatnosti) u iznosu od 10.000,00 KM po strukturi i dinamici datoj u poslovnom planu u periodu od 3 (tri) godine,
5. Poslovni plan razvoja veterinarske djelatnosti.

Nakon utvrđivanja formalne ispravnosti i vrednovanja ponuda i izjašnjenja svih ponuđača da se njihove posljednje ponude imaju smatrati konačnim, Komisija za neposrednu pogodbu je za najbolju ponudu proglasila ponudu pod rednim brojem 1. ponuđača „MADI“ doo Tešanj vrednujući sve elemente ponude pripadajućem brojem bodova, i dodijelila 958 bodova ili 95,8% od ukupnog broja bodova.


Komisija je, u skladu sa uslovima i kriterijima propisanim u Javnom pozivu za kupoprodaju navedenog predmeta, po Odobrenju direktora Agencije za privatizaciju Zeničko-dobojskog kantona, akt br: 15-03-300/11 od 10.06.2011. godine, u skladu sa odredbama člana 11. Pravilnika o postupku prodaje metodom neposredne pogodbe ("Službene novine Federacije BiH", broj: 75/05) donijela rješenje kao u dispozitivu.

**PRAVNA POUKA:** Protiv ovog rješanja dopuštena je žalba. Žalba se podnosi Ministarstvu za poljoprivredu, šumarstvo i vodoprivredu Zeničko-dobojskog kantona u Zenici, Kučukovići br. 2, u roku od 15 (petnaest) dana od dana prijema istog. Žalba se podnosi putem prvostepenog organa - Komisije za neposrednu pogodbu.

Na žalbu se plaća taksa u iznosu od 10 KM, prema tarifi br. 9. Zakona o administrativnim taksama ("Službene novine Zeničko-dobojskog kantona", broj: 13/02-9/10).

**KOMISIJA**



  
Ahmet Begagić, predsjednik

  
Fatima Taslamanić, član

  
Senad Ahmić, član

- CO:** 1× „MADI“ doo Tešanj, Bukva bb  
1× Ibrahimpašić Izudin, Tešanj, Titova bb  
1× JP „Veterinarska stanica“ Tešanj d.o.o.  
Dobropolje bb  
1× Ministarstvo za poljoprivredu, šumarstvo i  
vodoprivredu ZE-DO kantona  
1× Općina Tešanj, Općinski Načelnik  
1× Poslovi direktora  
1× a/a Komisije